

अश्विना । वर्तिः । अस्मत् । आ । गोऽमत् । दसा । हिरण्यऽवत् ।
 अर्वाक् । रथं । सऽमनसा । नि । यच्छतं ॥
 यौ । इत्या । श्लोकं । आ । दिवः । ज्योतिः । जनाय । चक्रयुः ।
 आ । नः । ऊर्जं । वहतं । अश्विना । युवं ॥
 आ । इह । देवा । मयःऽभुवा । दसा । हिरण्यऽवर्तनी० ।
 उषःऽबुधः । वहंतु । सोमऽपीतये ॥ २७ ॥

९३

अग्नीषोमौ । इमं । सु । मे । शृणुतं । वृषणा । हवं ।
 प्रति । सुऽउक्तानि । हर्यतं । भवतं । दाशुषे । मयः ॥
 अग्नीषोमा । यः । अद्य । वां । इदं । वचः । सपर्यति ।
 तस्मै । धत्तं । सुऽवीर्यं । गवां । पोषं । सुऽअश्वं ॥
 अग्नीषोमा । यः । आऽहुतिं । यः । वां । दाशात् । हविःऽकृतिं ।
 सः । प्रऽजया । सुऽवीर्यं । विश्वं । आयुः । वि । अश्ववत् ॥
 अग्नीषोमा । चेति । तत् । वीर्यं । वां । यत् । अमुणीतं । अवसं । परिं । गाः ।
 अव । अतिरतं । वृसयस्य । शेषः । अविदतं । ज्योतिः । एकं । बहुऽभ्यः ॥
 युवं । एतानि । दिवि । रोचनानि । अग्निः । च । सोम । सऽक्रतू० । अधत्तं ।
 युवं । सिंधून् । अभिऽशस्तेः । अवद्यात् । अग्नीषोमौ । अमुंचतं । गृभीतान् ॥
 आ । अन्यं । दिवः । मातरिष्वा । जभार । अमयात् । अन्यं । परि । श्येनः । अद्रेः ।
 अग्नीषोमा । ब्रह्मणा । ववृधाना । उरुं । यज्ञाय । चक्रयुः । ऊं० । लोकं ॥ २८ ॥
 अग्नीषोमा । हविषः । प्रऽस्थितस्य । वीतं । हर्यतं । वृषणा । जुषेथां ।
 सुऽशर्माणा । सुऽअवसा । हि । भूतं । अथ । धत्तं । यजमानाय । शं । योः ॥
 यः । अग्नीषोमा । हविषा । सपर्यात् । देवद्रीचा । मनसा । यः । घृतेन ।
 तस्य । व्रतं । रक्षतं । पातं । अंहसः । विशे । जनाय । महि । शर्म । यच्छतं ॥
 अग्नीषोमा । सऽवेदसा । सऽहूती० । वनतं । गिरः । सं । देवऽचा । बभूवयुः ॥
 अग्नीषोमौ । अनेन । वां । यः । वां । घृतेन । दाशति । तस्मै । दीदयतं । बृहत् ॥
 अग्नीषोमौ । इमानि । नः । युवं । हव्या । जुजोषतं । आ । यातं । उप । नः । सचा ॥